

Siiraa-Lakk.9

Description

Eggumsa Rabbiin Nabiyyiif godhee

Rabbiin subhaanahu wa taâ€™aala Nabiyyii Isaa shirkii jaahiliyyah fi sanama gabbaruu irraa eege jira. Imaamu Ahmad Musnada isaa lakk.(17947) keessatti akka gabaasetti Hishaam bin Urwah abbaan isaaakkana jedha: Ollaan Khadijaa tokko Nabiyyiin Khadiijaan osooakkana jedhuu dhagahee jira nan jedhe: â€œYaa Khadijaa! Rabbiin kakadhee! Laata gonkumaa hin gabbaru, Uzaas hin gabbaru.â€“(Laata fi Uzaa maqaalee sanama yeroo san waaqefatamaniti). Nabiyyiin (SAW) foon horii sanamaaf qalamee hin nyaatu ture.

Akkasumas, Rabbiin Nabiyyi yeroo dargaggummatti badii dargagoonni itti taran irraa eege jira. Nabiyyiin kabajaa fi dhiirummaan namoota hunda caala, dhugaa dubbachuu fi amanaa eegunis namni isaan qixxaâ€™u hin jiru. Hojii fi dubbii fokkuu eenu caalaa irraa kan fagaatedha. Hanga ummata isaa keessatti, â€œAl-Amiin (nama amanama)â€ jechuun moggaafamu gahe. Ammas, Nabiyyiin (SAW) firummaa kan sufu, namoota kan gargaaru, keessummota kan keessumeessu turan.[\[1\]](#) Amaloota gaggaarii kanniin miidhaguu fi amaloota badaa irraa fagaachun alaabaa nabiyyummaa akka baadhatu isa taasise.

Halful Fuduul (Gamtoominna Fuduul)

Nabiyyiin (SAW) halful fuduul irratti argamanii jiru. Araboota keessatti gamtoominna hundarra kabajama taâ€™eedha. Sababni kanaa, namtichi tokko gosa Zubayd irraa gara Makkaa meeshaa gurguramu fide. Qureeshota keessa namtichi maqaan isaa Aas bin Waaâ€™il jedhamu nama araan olii kanarra meeshaa inni fide bite. Garuu meeshaa isarrraa fudhatee gatii kafaluufi dide. Namtichis Qureeshotatti iyyate. Haa taâ€™uu malee Aas bin Waaâ€™il Qureeshota keessatti sadarkaa fi kabaja waan qabuuf, Qureshooni isa gargaaru ni didan. Namni gosa Zubayd kuni birmannaaf warroota Makkaatti iyyate. Nama sammuu qabu hunda gargaarsa gaafate.

Zubeeyr bin Abdul Muxxalib dhaabbateeakkana jedhee: â€œKuni kan dhiifamu miti.â€ Ilmaan Haashim, ilmaan Zuhrah fi ilmaan Taym mana Abdullaah bin Judâ€™aanitti wal gahan. Innis isaaniif nyaata ni qopheesesse. Jiâ€™a qulqulluu Zul Qaydah keessa, zaalima (nama miidhe) irratti nama miidhame gargaaruf harka tokko akka taâ€™an Rabbiidhaan kakatanii walii galan. Ergasii gara Aas ibn Waaâ€™il deemun meeshicha irraa fuudhun namtichaaf deebisan. Qureeshonni gamtoominna ykn wali-galtee kana Halful fuduul jechuun moggaaste. Akkana jedhu, â€œedhugumatti namoonni kunniin dhimma sadarkaa qabu keessa seenanii jiru.â€ Sababni isaas fuduul jecha fadl jedhu irraa kan dhufeedha. Fadl jechuun wanta gaarii sadarka qabuu fi olâ€™aanaa taâ€™eedha.

Nabiyyiin (SAW) wali-galtee kana irratti kan argaman yommuu taâ€™u, erga nabiyyii taâ€™uu ergamanii boodaakkana jechuu turan:â€œDhugumatti, wali-galtee mana Abdullaah ibn Judâ€™aanitti adeemsifame irratti argamee jira. Bakka wali galtee sanii gaalota diddiimtu qabaachu hin fedhu. Islaama keessatti osoo isaan affeerame, silaa nan awwaadhaa ture.â€

Barnoota asirraa fudhatamuu

1-Dhugumatti haqummaan gatii daangaa hin qabneedha, wanta muraasa irratti kan daangeefamu miti. Rasuulli (SAW) ergamuun dura hundee haqummaa keessatti hirmaachu isaa akka kabaja guddaatti ilaale. Namni fedhe haqummaa bakkaan haa gahu, gochi kuni mataan isaa faarfamu kan qabuudha.

2-Gamtoominni Fuduul dukkana jaahiliyyah keessatti akka bakka gammoojji bishaani fi biqiltoota of keessaa qabuuti. Kuni kan agarsiisu badiin hawaasa ykn sirna kam keessattu yoo babalâ€™ate, hawaasni kuni amala gaarii wanta jedhamu guutumaan guututti of keessaa hin qabu jechuu miti. Makkaan keessa hawaasa wallaala badiin baayâ€™een kan akka sanama gabbaru, sagaagalummaa, dhala nyaachu, zulmii fi kkf babalâ€™atanii kan turaniidha. Garuu kana waliinu namoonni sammuu fi amala gaarii qaban ni jiru turan. Hojii badaa armaan olii ni jibbuu. Haqaaf ni dhaabbatu. Kana keessa bakka namoonni Islaamatti hin bulletti barnoota guddaatu warroota Islaamatti waaman (daaâ€™iwwaniif) jira. Badiin hawaasa haguugee jira jechuun calâ€™isuu hin qaban.

3- Haala kaminiyyuu haa taâ€™uu zulmiin (miidhaan) wanta fudhatama hin qabneedha, osoo namoota muraasa irratti raawwatameyyu. Islaamni zulmii itti duula. Bifa, amantii, biyya fi saala isaa osoo hin ilaalil nama miidhame cinaa ni dhaabbata. Namni miidhame Muslima taâ€™ee hin taane, nama gaarii taâ€™e hin taane, dureessa taâ€™e hiyyeessa taâ€™e kan miidhame yoo taâ€™e, Islaamni nama miidhame kana cinaa dhaabbachuu haqummaaf falma. Qurâ€™aana keessatti Rabbiin (Subhaanahu wa taâ€™aalaa) ni jedha:

يَهَا الَّذِينَ إِمَنُوا كُونُوا قَوْمِينَ بِالْقِسْطِ شُهَدَاءَ لِلَّهِ وَلَوْ عَلَىٰ أَنفُسِكُمْ
الَّذِينَ وَالْأَقْرَبِينَ إِن يَكُنْ غَنِيًّا أَوْ فَقِيرًا فَاللَّهُ أَوْلَىٰ بِهِمَا فَلَا تَتَّبِعُوهُ
أَن تَعْدِلُوا وَإِن تَلُوْهُ أَوْ تُعْرِضُوا فَإِنَّ اللَّهَ كَانَ بِمَا تَعْمَلُونَ خَيْرًا ﴿١٣٥﴾

â€œYaa warra amantan! Osoo lubbuma keessan yookiin abbaa haadha keessanii fi firoottan keessan irratti taâ€™eeyyu Rabbiif ragaa baatota taâ€™uun haqummaan kan gadi dhaabbatu taâ€™aa. Yoo dureessa yookiin hiyyeessa taâ€™anis Rabbitu irra isaanitti aana. Haqa irraa dabuuf fedhii lubbuu keessanii hin hordofinaa. Yoo [ragaa keessan] dabsitan yookiin [ragaa bahuu irraa] garagaltan, dhugumatti Rabbiin waan isin dalagdan keessaa beekaa taâ€™eera.â€ Suuratu Al-Nisaâ€™a 4:135

Aayah tana akka nuuf fassaru (ibsu) ibn Kasiiriif mee haa dhiisnu:

Rabbiti oltaâ€™e gabroota Isaa haqummaan akka dhaabbatan ajaja. Haqa irraa bitaa fi mirga goruu hin qaban. Nama isaan komatu sodaachu hin qaban. Akkasumas, wanta tokko Rabbiti jedhanii hojjachuu irraa homtu akka isaan hin garagalchine. Rabbiti jedhanii wal-gargaaru fi wal deeggaruu qabu. Jechi Isaa, â€œRabbiti ragaa baatota taâ€™uunâ€ jedhu, jecha suurah biraa keessattiakkana jedhuun wal fakkaata, â€œRabbiti jedhaatii ragaa sirreessaaâ€ (Suuratu Xalaaq 65:2) Kana jechuun ragaa bahuun

Fuula Rabbii barbaaduf taâ€™uu qaba. (Na argaaf ykn dhaadannaaf osoo hin taâ€™in Rabbiif jedhanii ragaa bahuun garmalee barbaachisaadha.) Sababni isaas, Rabbiif jedhanii yoo ragaa bahan, ragaan kuni sirrii fi kan haqaa taâ€™a; micciiruu, jijirraa fi dhoksuu irraa ni bilisooma. Kanaafi akkana jedhe, â€œ **Osoo lubbuma keessanâ€¢! irratti taâ€™eyyuuâ€¢** Kana jechuun yommuu dhimma wayii gaafatamte ragaa dhugaa bahi, haqa dubbadhu osoo miidhan sirritti kan deebiâ€™u taâ€™eyyuu. Dhugumatti, Rabbiin nama Isaaf ajajame, dhimma isarratti dhiphatu hunda keessaa karaa itti bahu godhaaf.

â€œ **yookiin abbaa haadha keessanii fi firoottan keessan irratti taâ€™eyyuuâ€¢** Kana jechuun ragaa bahuun haadha abbaa keeti fi firoota kee irratti osoo taâ€™eyyuu, ragaa bahuu keessatti isaan akka addaatti hin ilaalin. Kana irra, osoo miidhaan isaan irratti deebiâ€™eyyu haqaan ragaa bahi. Sababni isaas, haqni namoota hunda irratti abbaa murtiiti. Nama hunda caalaa durfama.

â€œ **Yoo dureessa yookiin hiyyessa taâ€™anis Rabbitu irra isaanitti aanaâ€¢** Kana jechuun nama dureessa taâ€™eeef durummaa isaatiif isa caalchisuun [ragaa sobaa hin bahinaa], ammas nama hiyyessa taâ€™ees hiyyummaa isaatiif garaa laafun [isaaf ragaa sobaa hin bahinaa]. Sababni isaas, Rabbiin hiyyeessaa fi dureessa kan eegudha. Si caalaa Rabbitu isaanitti irra aana. Wanta gaarii isaaniif taâ€™uu Inni hunda caalaa ni beeka.

â€œ **Haqa irraa dabuuf fedhii lubbuu keessanii hin hordofinaa.â€¢** Kana jechuun dhimma keessan keessatti fedhiin lubbuu, sabboonummaani fi jibbi namootaaf qabdan haqummaa irraa akka dabdanii fi haqa dhiistan akka isin hin taasisne. Kana irra, haala kam keessattu haqummaa qabadhaa. Akkuma Rabbiin jedhe: â€œ **Jibbi namootaa haqummaan dalaguu irraa isin hin dhoowwin. Haqa hojjadhaa, isatu sodaa Rabbiitti irra dhiyoodha. Rabbiinis sodaadha. Dhugumatti, Rabbiin waan isin hojjattan hunda beekaadha.â€¢** Suuratu Al-Maaâ€™ida 5:8) (Jibbi namootaaf qabdan haqaan dalaguu irraa akka isin hin dhoowwine. Akkuma nama jaallattaniif haqummaan dhaabbattan, nama jibbitaniifis haqummaan dhaabbadhaa. Diina keessanu osoo taâ€™e haqa malee isa hin miidhinaa.)

Akka fakkeenyaatti, Ergamaan Rabbii (SAW) Abdullah ibn Rawah gara yahuudota Kheybar jiranitti erguun gibira akka sassaabu ajajan. Yahuudonnis akka Abdullaan isaaniif laafu mattaa (maallaqa haqa itti dabsan) isaaf kennuu barbaadan. Garuu inni ni jedhe, â€œ Dhugumatti namoota hunda caalaa na biratti jaallatamaa kan taâ€™e biraa dhufe. Isin immoo jaldeessaa fi booyye caalaa na biratti jibbamoodha. Jaalalli ani isaaf (nabiyyiif) qabu, akkasumas, jibbi ani isiniif qabu, isin keessatti haqaan dalaguu irraa na hin dhoowwu. Isaanis ni jedhan: Samiwwanii fi dachiin [haqummaa] kanaan dhaabbatan. [\[2\]](#)

â€œ **Yoo [ragaa keessan] dabsitanâ€¢** jechuun ragaa micciiruu fi jijirruudha. Kuni arrabaan ragaa haqa irraa dabsuu, gara hundaan wanta sirrii barbaadamee irraa dubbi micciiru fi osoo beekanuu kijibuu of keessatti qabata.

Yookiin [ragaa bahuu irraa] garagaltanâ€¢ jechuun dhoksuu fi ragaa bahuu dhiisu.

Nama ragaa micciree fi jijjiree yookiin ragaa bahuu dhiise fi dhokse, Rabbiin akeekachisa cimaa akeekachiisa. â€œ **Dhugumatti Rabbiin waan isin dalagdan keessaa beekaa taâ€™eera.â€¢** Kana jechuun wanta hojjattan hunda takkaan kan beekudha. Wanti Isarraa dhokatu tokkollee hin jiru. Kana keessa nama ragaa dabsu ykn dhiisuf akeekachiisa cimaatu jira. Nama sobaan murteessu ykn kijibaan ragaa bahuuf immoo kana caalaa akeekachisa guddaatu jira. Sababni isaas, sobaan murteessun ykn ragaa bahuun yakka irra guddaa taâ€™eedha. Kan jalqabaa haqa dhiise, kuni immoo haqa dhiisee

sobaan hojjate.[\[3\]](#)

4-Gara seenaa gamtoominna fuduulitti yommuu deebinu, barnoonni biraasirraa baratamu, kheeyri hojjachuu, haqummaa gadi dhaabu fi zulmii buqqisuuf waligaltee uumuun wanta hayyamameedha. Garuu yommuu Muslimoonni kana hojjatan Islaamaa fi Muslimootaaf wanta hundarra irra gaarii taâ€™e ilaal qabu. Zulmii buqqisna jedhanii wanta zulmi san caaluu yoo fidan, hojiin akkana hin taâ€™u. Hanga dandaâ€™ameen karaa salphaan zulmii san buqqisuuf yaalu qabu. Taâ€™uu baannan hanga haalli mijawu eegu qabu.

5-Barnoonni biraasirraa baratamu, Muslimni ummata isaa keessatti lakkofsa qofa osoo hin taâ€™in dhiibba gaarii (positive influence) uumuuf carraaq qaba. Nabiyyiin ergamuun dura hawaasa keessatti amala gaarii isaatiin kan beekkamu ture. Kanarraa kan kaâ€™e, â€œAl-Amiin (Amanamaa)â€¢echuun moggaasan.

Kitaabban wabii

- [1] [As-Siiratu Nabawiyyati](#)â€“fuula 56-61, Alii Muhammad Sallaabi, [Noble Life of The Prophet \[English\]](#) 1/99-105, [Siiratu Nabawi](#)â€“ fuula 170, Abul Hasan Nadaw
- [2] Tafsiiru ibn Kasiir 3/237-338, Daaru Ibn Al-Jawzi, Also English Translation [Tafsir Ibn Kathir](#), Tafsiiru of Suuratu An-Nisa, <https://quran.com/5/8>
- [3] Tafsiiru Saâ€™di-227, Daaru salaam

Date Created

August 27, 2019

Author

admin